

四庫全書

子部

欽定四庫全書

子部

雲笈七籤卷五十八

詳校官監察御史_臣邱庭澍

檢討_臣何思鈞覆勘

總校官庶吉士_臣倉聖脉

校對官中書_臣金光悌

謄錄監生_臣秦朴

欽定四庫全書

雲笈七籤卷五十七

宋 張君房 撰

諸家氣法

服氣精義論

天台白雲撰

夫氣者道之幾微也。幾而動之微而用之，乃生一焉。故混元全乎太易，夫一者道之冲凝也。冲而化之凝而造之，乃生二焉。故天地分乎太極，是以形體立焉。萬物與之同稟精神者焉。萬物與之齊受在物之形，惟人為正。

在象之精惟人為靈並乾坤居三才之位合陰陽當五行之秀故能通玄降聖鍊質登仙隱景入虛無之心至妙得登仙之法所學多途至妙之至其歸一揆或霄飛丹液藥效升騰或齋戒存修功成羽化然金石之藥候資費而難求習學之功歷歲年而彌遠若乃為之速效專之尅成與虛無合其道與神靈合其德者具惟氣乎黃帝曰食穀者知而夭食氣者神而壽不食者不死真人曰夫可久於其道者養生也常可與久遊者納氣也

氣全則生存然後能養志養志則合真然後能久登生
氣之域可不勤之哉是知吸引晨霞食漱風露養精源
於五臟導榮衛於百關既祛疾以安形復延和而享壽
閉視聽以胎息返衰朽以童顏遠取於天近取於已心
閒自適體逸無為欣邈已於百年全浩然於一室就輕
舉之諸術真清虛之雅致歟若兼真之業鍊化之功則
佇雲輶而促期馳羽駕而增遠矣服氣之經頗覽多本
或散在諸部或未暢其宗觀之者以不廣致疑習之者

以不究無效故今纂類篇目詳精源流庶螻蛄之兼濟
豈龜龍之獨善耶凡九篇如後

五牙論第一

夫形之所全者本於臟腑也神之所安者質於精氣也
雖稟形於五神已具其象而體衰氣耗乃致凋敗故須
納雲牙而溉液吸霞景以孕靈榮衛保其純和容貌駐
其朽謝加以久習成妙積感通神與五老而齊升並九
真而列位經文所載以視津途修學所遵自宜詳覈服

真五牙法每以清旦密呪曰

經文不言面當各宜向其方平坐握固閉目即叩齒

三通而祝中
央向四維

東方青牙服食青牙飲以朝鮮祝畢舌料上齒表舐唇
漱口滿而嚥之三

南方朱丹服食朱丹飲以丹池祝畢舌料下齒表舐唇
漱口滿而嚥之三

中央戊己昂昂太山服食精氣飲以醴泉祝畢舌料上
玄應取玉水舐唇漱口滿而嚥之三

西方明石服食明石飲以靈液祝畢舌料上齒內舐唇
漱口滿而嚥之三

北方玄滋服食玄滋飲以玉飴祝畢舌料下齒內舐唇
漱口滿而嚥之三

都數畢以鼻內氣極而徐徐放之令五過已上真道畢

矣意調諸方亦宜納氣各依其數即東方
九南方三中央十二西方七北方五又曰先師益

中央醴泉祝曰白石巖巖以出此源泉湧洞以玉漿飲
之長生壽命益長永保長壽之法此是靈寶五符經中

法上清經中別有四極雲牙之法其道密秘不可輕言
凡服氣皆先行五牙以通五臟然後依常法乃佳

東方青色入通於肝開竅於目在形為筋

南方赤色入通於心開竅於舌在形為血

中央黃色入通於脾開竅於口在形為肉

西方白色入通於肺開竅於鼻在形為皮

北方黑色入通於腎開竅於耳在形為骨

又肺為五藏之華蓋第一肺居心上對膺有六葉色如

縞膜紅脈出於少高

左手大指之端內側去爪甲二分許陷者之中

心居肺下

肝上對鳩尾下一寸色如縞膜絳心脈出于中衝

左手手中指

之端去爪甲之二分許陷者之中

肝在心下小近後右四葉左三葉色

如縞膜紺肝脈出於大敦

左足大指端乃三毛之中

脾正掩臍上近

前橫覆于胃色如縞膜黃脾脈出于隱白

左足大指端側去爪甲如

葉左腎右腎前對臍搏著腰脊色如縞膜紫左為正腎

以配五臟右為命門男以藏精女以繫胞腎脈出為湧

泉

左足心中者之中

凡服五牙之氣者皆宜思入其臟使其液宣通各依所主既可以周流形體亦可以攻療疾病如服青牙者思氣入肝中見青氣氤氲青液融融分明良久乃見足大敦之氣循服而至會於脈中流散諸脈上通於自然次服諸方仍宜以丑後澡漱冠服入別室焚香坐向其方靜慮澄心注想而為之

服氣論第二

夫氣者胎之元也形之本也胎既誕矣而元精既散形

既動矣而本質漸敝是故須納氣以凝精保氣以鍊形
精滿而神全形休而命延元本既實可以固存耳觀夫
萬物未有有氣而無形者未有有形而無氣者攝生之
子可不專氣而致柔乎

太清行氣符

欲服氣斷穀先書向王吞之七日吞一三七日止合符
三枚皆燒五香左右

凡欲服氣者皆宜先療身疹疾使臟腑宣通肢體安和

縱無舊疹亦須服藥去疾飲量體冷熱服一兩劑瀉湯
以通泄腸胃去其積滯吐瀉方在後將息平復訖乃清
齋百日敦潔操志其間所食漸去酸鹹減絕滋味得服
茯苓蒸曝胡麻等藥預斷穀為佳服氣之始亦不得頓
絕其藥食宜日日減藥宜漸漸加氣氣液流通體藏安
穩乃可絕諸藥食仍須兼膏餌消潤之藥助之勿食堅
澁滓滯冷滑之物久久自覺腸胃虛全無復饑渴消息
進退以意自量不可具於此述宜於春秋二時月初三

日後八日前取其一吉日為始先服太清行氣符計至其日令吞三符訖於靜室東向得早朝景為佳於東壁開一窻令日之光正對卧面此室之東勿令他障隔以

子時之後先解髮梳頭數百下便散髮頸後矣

初服須如此久

後亦不須散髮也

燒香

勿用薰陸香

東向正坐澄心定思叩齒導引

其法具後篇

又安坐定息乃西首而卧

本經皆云東首然面則向西於存息吸引

殊為不便牀須厚暖其枕宜令低下與背高下平使頭頸順

身平直解身中衣帶令闊展兩手離身三寸仍握固兩

脚相去五六寸且徐吐氣息令調然後想東方初曜之

氣共日光合丹於流暉引此景而來至於面前乃以鼻

先拔鼻孔中毛初以兩手大指下掌按鼻左右上下動之十數過令通暢微引吸而嚙之久

乃不須引吸但存氣而嚙之其氣自入此便為妙嚙之三乃入肺中小開唇徐

徐吐氣入氣有緩急宜在任性調息必不得頓引至極

則氣麤麤則致損又引嚙之三若氣息長加至五六嚙

得七尤佳如此以覺肺中大滿為度且停嚙乃閉氣存

肺中之氣隨兩肩入臂至手握中入存下入於胃至兩

腎中隨髀至兩脚心中覺皮肉間習習如蟲行為度訖

任微喘息少時待喘息調依法引導送之覺手足溫潤

和調為度

諸服氣方直存入腹不先向四肢故致四肢逆冷五臟壅滯是以必須先四肢然後入腹

即氣自然宣流也

此後不復須存在肺直引氣入大腸小腸中

鳴轉通流臍下為度應如此以腸中飽滿乃止則豎兩

膝急握固閉氣鼓腹九度就鼓中乃存其氣散入諸體

閉之欲極徐徐吐之慎勿長若氣急稍稍并引而吐之

若覺腹中闕此一極則止如腹猶滿急便閉氣鼓之訖

舒脚以手摩面將育心而下數十度并摩腹繞臍手十
數度展脚趾向上反偃數度乃放手縱體忘心遺形良
久待氣息關節調平訖乃起若有汗以粉摩拭頭面頸
項平坐稍動搖關節體和如常可起動其中隨時消息
觸類多方既不云煩述善以意調適之又服氣所以必
令停於肺上入於胃至於腎者何肺藏氣氣之本也諸
氣屬於肺夫氣通於肺又肺者藏之長也為諸藏之華
蓋呼吸之津源為傳送之官治節出焉又魄門為五藏

之使為四藏之主通於十二經脈周而復始故為五藏使也故令氣停於肺而後流行焉胃者五藏六腑之海也水穀皆入於胃六腑之大主也五藏六腑皆稟於胃五味入胃各走其家以養五氣是以五藏六腑之氣皆出於胃變見於氣口故也腎者生氣之源五藏六腑之本十二經脈之根左為正腎右為命門故令氣致於腎以益於其精液天食人以五氣地食人以五味五氣入於鼻藏於心肺五味入於口藏於腸胃味有所藏以五

氣和而生津液氣液相感神乃自生

五味豈獨其穀而五味氣中自有其

味又兼之以藥藥之五味尤勝其穀

此雖只論肺腎其氣亦自然流通諸

藏故曰呼出心與肺吸入腎與肝呼吸之間脾受其味也呼吸之理乃神氣之要故太上問曰人命在幾間或對曰在呼吸之間太上曰善哉可謂為道矣

凡服氣皆取子後午前者鷄鳴至平旦天之陰陰中之陽也平旦至日中天之陽陽中之陽也日中至黃昏天之陽陽中之陰也黃昏至鷄鳴天之陰陰中之陰也人

亦如是又春氣行於經絡夏氣行於肌肉秋氣行於皮膚冬氣行於骨髓又正月二月天氣始方地氣始發人氣在肝三月四月天氣正方地氣正發人氣在脾五月六月天氣盛地氣高人氣在頭七月八月陰氣始殺人氣在肺九月十月陰氣冰地氣始閉人氣在心十一月十二月冰復地氣合人氣在腎至四時之月宜各依氣之所行兼存而為之

凡服氣皆取天景明澄之時為好若恒風雨晦霧之時

皆不可引吸外氣但入密室閉服內氣加以諸藥也

凡服氣斷穀者一旬之時精氣弱微顏色萎黃二旬之

時動作瞑眩肢節悵悵大便苦難小便赤黃或時下痢

前剛後溏三旬之時身體消瘦重難以行

已前羸弱之候是專氣初

服所致若以諸藥不至於此也

四旬之時顏色漸悅心獨安康五旬之

時五藏調和精氣內養六旬之時體復如故機關調暢

七旬之時心惡諠煩志願高翔八旬之時恬淡寂寞信

明術方九旬之時榮華潤澤聲音洪彰十旬之時正氣

皆至其效極昌修之不止年命延長三年之後癰痕滅除顏色有光六年髓填腸化為筋預知存亡經歷九年役使鬼神玉女侍傍腦實脇駢不可復傷號曰真人也

五靈心丹章

行之十五日心澄心通五年當身心俱通

東方長生章一氣和大和得一道皆太和乃無不和玄理同玄際

右誦九十遍氣不調存誦之便調

南方不饑章不以意思意亦本求無思意而不以思是

法如是持

右誦三十遍饑時存誦便飽

中央不熱章諸食氣結氣非諸久定結氣歸諸本氣隨取當隨泄

右誦一百二十遍熱時存誦之便涼

西方不寒章修理志離志積修不符離志而不修志已業無已知

右誦七十遍寒時存誦之便暖

北方不渴章莫將心緣心還莫住絕緣心存莫存心真則守真淵

右誦五十遍渴時存誦之便不渴

所主寒熱等本文如此然倣五藏之義乃有所乖惟渴誦北方章是謂今為魂神不寧誦東方章寒誦西方章饑誦南方章渴誦北方章熱誦中央章亦可以五藏行之以意消息為之誦既不論早晚然以子午前為佳誦五方數畢即誦大道讚一遍

大道無形因物為名乾坤萬品秀氣乃成既受新質惟
人抱靈五行三才秋殺春生四九寶偈除誦守精修奉
太和不虧不盈嘗之無味嗅之無馨察之無色和之無
聲坐卧無所行走無程遊歷太空湛爾黃庭動而不去
住而不寧無營無作無視無聽非聚非散非離非并非
巨非細非重非輕非黃非白非赤非青道高黃老曉朗
真情太上要章封密金城子得聞之命合真星

此五靈章既可通五藏氣每宜通誦之仍各存藏位其

文有苦寒熱饑渴者始可別誦章爾當面向其方坐閉目澄神閉口心誦仍動舌觸料口中令津液生微微引氣而嚥之各入其藏中此法專行應至虛惛兼以符水藥味則不致羸頓矣

服六戊氣法 氣旦先從甲子旬起向辰地舌料上下齒取津液周旋三至而一嚥止次向寅次向子次向戌次向申次向午又法起甲子日匝一旬恒向戌辰嚥氣甲戌日則向戌寅餘旬依為之此六戊法亦是一家之

義以戊氣入於脾為倉廩之本故也此真不饑若通益諸體則不逮餘法矣

服三五七九氣法 徐徐以鼻微引氣內之三以口吐死氣久久便三氣次後引五氣以口一吐死氣久久便五氣次引七氣以口一吐死氣久久便七氣次引九氣以口一吐死氣久久便九氣因三五七九而并引以鼻二十四氣內之以口一吐死氣久久便二十四氣嚙逆報之法因從九數下到三復順引之嚙可九九八十一

噓氣而一吐之，以為節也。此法以入氣多，吐氣少為妙。若不作此限數，漸增入，則意於常數之耳。死氣者是四時五行休死之氣，存而吐之，自餘節度仍依常法。

養五藏五行氣法：春以六丙之日時加巳，食氣百二十，致於心，令心勝肺，無令肺傷肝，此養肝之氣也。夏以六戊之日時加未，食氣百二十，以助脾，令脾勝腎，則腎不傷於心也。季夏以六庚之日時加申，食氣百二十，以助肺，令肺勝肝，則肝不勝於脾也。秋以六壬之日時加

亥食氣百二十以助腎令腎勝心則心不傷於肺也冬以六甲之日時加寅食氣百二十以助肝令肝勝脾則脾不傷於腎也

右此法是五行食氣之要明時各有九凡一千八十食

氣各以養藏周而復始不得相刻精心為之

此法是一家之義所

在五藏事器具

在五牙論中

導引論第三

夫肢體關節本資於動用經脈榮衛實理於宣通今既

閒居乃無運役事須導引以致和暢戶樞不蠹其義信
然人之血氣精神者所以奉生而周其性命也脈經者
所以行血氣也故榮氣者所以通津血強筋骨利關節
也衛氣者所以溫肌肉充皮膚肥腠理司開闔也又浮
氣之循於經者為衛氣精氣之行於經者為榮氣陰陽
相隨內外相貫如環之無端也又頭者精明之腑背者
胸之腑腰者腎之腑膝者筋之腑髓者骨之腑又諸骨
皆屬於目諸髓皆屬於腦諸筋皆屬於節諸血皆屬於

心諸氣皆屬於肺此四肢八環之朝夕也是知五勞之損動靜所為五禽之導搖動其關然人之形體上下相承氣之源流升降有叙比日見諸導引文多無次第今所法者實有宗旨其五體平和者依常數為之若一處有所偏疾者則於其處加數用力行之凡導引當以丑後卯前天氣清和日為之先解髮散梳四際上達頂三百六十五過散髮於後或寬作髻亦得燒香面向東平坐握固閉目思神叩齒三百六十過乃縱體平氣依次

為之先閉氣以兩手五指交叉反掌向前極引臂拒托之良久即舉手反掌向上極臂即低左手力舉右肘令左肘臂按著後項左手向下力牽之仍亞向左開右腋努脇為之低右舉左亦如之即低手鉤項舉兩肘偃背仰頭向後令頭與手前後競力為之即低手鉤項擺肘縱身向左向右即放手兩膝上微吐氣通息又從初為之三度

符水論第四

夫符文者雲篆明章神靈之書字也書有所象故神氣存焉文字顯焉有所生故服用朱焉夫水者氣之津潛陽之潤也有形之類莫不資焉故水為氣母水潔則氣清氣為形本氣和則形泰雖身之榮衛自有內液而腹之臟腑亦假外滋即可以通腸胃益津氣又可以導符靈助祝術今撰諸符水之法以備所用可按而為之焉符在本經

服藥論第五

夫五臟通榮胃之氣六腑資水穀之味今既服氣則臟
氣之有餘又既絕穀則腑味之不足素問曰穀不入半
日則氣衰一日則氣少故須諸藥以代於穀使氣味兼
致臟腑兩全也清陽為天濁陰為地清陽出上竅濁陰
出下竅清陽發腠理濁陰走五臟清陽實四肢濁陰實
六腑清陽為氣濁陰為味味歸形形歸氣氣歸精精食
氣形食味氣為陽味為陰陰勝則陽病陽勝則陰病和
氣以通之味以實之通之則不憊實之則不羸矣今以

草木之藥性味於臟腑所宜為安臟丸理氣膏其先無
病疹臟腑平和者可常服此丸膏并茯苓巨勝等丹服
之藥若臟有疾者則以所宜者增損而服如先有痼疾
及別得餘患者當別醫攻療則非此之所愈也其上清
方藥各依本經稟受者自宜遵服安和臟腑丸方

茯苓

桂心

甘草

灸已上
各二兩

人參

栢子仁

薯蕷

麥門冬

去心已上
各二兩

天門冬

四兩

右搗篩為散白蜜和為丸丸如梧桐子大每服三十丸

日再服以藥飲下之松葉枸杞等諸藥可為飲也滋潤氣液膏方

天門冬煎

升五

黃精煎

升五

地黃煎

升五

朮煎

升五

已上煎各煎訖相和著

茯苓

二兩

桂心

二兩

薯蕷

兩五

澤瀉

五兩

甘草

三兩

右並搗以密絹篩令極細內諸煎中又內熟巨勝杏仁屑三升白蜜二升攪令稠重湯煮攪勿令住手令如膏便調強為佳冷凝擣數千杵密器貯固之每早晨以一

丸如李核大含消嚙之日再三此藥宜八月九月合至三月已來服之若三月二月中更煮一度令稠硬則經夏不復壞

慎忌論第六

夫氣之為理也納而難固吐而易竭難固須保而使全易竭須惜而勿泄真人曰學道常如憶朝食未有不得之者惜氣常如惜面未有不全之者又曰若使惜氣常如一身之先急吾少見於枯悴矣其於交接言笑務宜

省約運動呼呌特須調緩觸類愛慎方免所損矣夫人之為性也與天地合體陰陽混氣皮膚骨體臟腑榮衛呼吸進退寒暑變異莫不均乎二儀應乎五行也是知天地否泰陰陽亂焉臟腑不調經脈之候病焉因外所中者百病起於風也因內有所致者百病生於氣也故曰恬澹虛寂真氣居之精神內守病從何來信哉是言故須知形神之性而全之辨內外之疾而畏慎之素問曰天有宿度地有經水人有經脈天地和則經水安靜

寒則經水凝沍暑則經水滯溢卒風暴起則經水波湧而隴起或虛邪用而入客亦由水之得風也天溫日明則人血淖液而衛氣揚天寒日陰則人血凝沍而衛氣沉血氣者喜溫而惡寒寒則沍而不能流溫則喜而去之蒼天之氣清靜則志意治從之則陽氣固而賊邪不能容此因時之孕也月始生則人血氣始精衛氣始行月郭滿則血氣實肌肉堅月郭空則肌肉減經絡虛衛氣去形獨居是以因天時而調血氣也若此時犯胃虛

邪則以身之虛而逢天之虛兩虛相感其起至骨入則傷五臟故曰天忌不可不知也八正者所以俟八風虛邪以時至者也八正之虛邪避之如矢射慎勿犯之假令冬至之日風從南來為賊傷也謂從虛之鄉來乃能病人也他節倣此陽氣者一日而生外平旦陽氣生日中陽氣隆日西陽氣虛氣門乃閉是故暮而收拒無擾筋骨無見霧露及此三時形乃困薄久視傷血久卧傷氣久立傷骨久行傷筋久坐傷肉是謂五勞所傷也憂

愁思慮則傷心形寒飲冷則傷肺恚怒氣逆上而不下
則傷肝飲食勞倦則傷脾久坐濕地強力入水則傷腎
人有五氣喜怒憂悲恐也怒則氣上喜則氣緩悲則氣
消恐則氣下寒則氣聚熱則氣泄憂則氣亂勞則氣耗
思則氣結喜怒不節寒暑過度氣乃不固五味所入苦
入心辛入肺酸入肝甘入脾鹹入腎陰之生本在五味
是故味過於酸則肝氣以津肺氣乃絕味過於鹹則骨
氣勞短肌氣折味過於苦則心氣喘滿色黑腎氣不衛

味過於甘則脾氣濡骨氣乃厚味過於辛則筋脈沮弛精神乃英是故謹和五味則骨正筋柔氣血以流腠理以密骨氣與精謹道如法長天有命多食鹹則脈凝泣而變色多食苦則皮槁而毛拔多食辛則筋急而爪枯多食酸則肉胝胸而唇揭多食甘則骨痛而髮落此五味之所傷也此論飲食之五味而藥性亦有五味服餌丸散特宜慎之服氣之人不宜食辛味何者辛走氣氣病無食辛也

五臟論第七

夫生之成形也必資之於五臟形或有廢而臟不可闕神之為性也必稟於五臟性或有異而氣不可虧是天有五星進退成其經緯地有五嶽靜鎮安其方位氣有五行混化弘其埏埴人有五臟生養處其精神故心藏神肺藏氣肝藏血脾藏肉腎藏志志通內連骨體而成身形矣又心者生之本神之處也肺者氣之本魄之處也肝者罷極之本魂之處也脾者倉廩之本榮之處也

腎者封藏之本精之處也至如九竅施為四肢動用骨肉堅實經脈宣行莫不稟源於五臟分流於百體順寒暑以延和保精氣以享壽且心為諸臟之主主明則運用宣通有心之子安可不悟其神之理耶臟有要害不可不察肝生於左肺生於右心部於表腎位於裏脾為之使胃為之市心為之汗肺為之涕肝為之淚脾為之涎腎為之唾是謂五液心為噫肺為咳肝為語脾為笑腎為噦天氣通於肺地氣通於肝雷氣通於心穀氣通

於脾雨氣通於腎五臟各有所合心之合於脈也其榮
色也肺之合於皮也其榮毛也肝之合於筋也其榮爪
也脾之合於肉也其榮唇也腎之合於骨也其榮髮也
五臟各有腑臟為陽腑為陰五臟者藏精神而不瀉也
故滿而不能實六腑者受水穀而不能留也故實而不
能滿小腸為心之腑大腸為肺之腑膽為肝之腑胃為
脾之腑膀胱為腎之腑六腑者各有其應小腸者脈其
應也大腸者皮其應也膽者筋其應也胃者肉其應也

三焦膀胱者腠理毫毛其應也十二臟之相使者心者
君主之官神明出焉肺者相傳之官治節出焉肝者將
軍之官謀慮出焉膽者忠正之官決斷出焉膻中者使
臣之官喜樂出焉胃中上焦之門戶也脾胃者倉廩之
官也五味出焉大腸者傳導之官也變化出焉小腸者
受盛之官也化物出焉腎者作強之官也伎巧出焉三
焦者決瀆之官也水道出焉膀胱者州都之官也精液
藏焉化氣則能出焉凡出十二官不得相失也故主明

則下安和以此養生則壽沒世不死主暗則十二官危使道閉塞而不通形乃大傷以此養生則死也

服氣療病論第八

夫氣之為功也廣矣妙矣故天氣下降則寒暑有四時之變地氣上勝則風雲有八方之異兼二儀而為一體者總形氣於其人也故存之為家則神靈儼然用之於禁則功效著矣況以我之心使我之氣適我之體攻我之疾何往而不愈焉習服閒居則易為功使諸有疾痛

皆可按而療之凡欲療疾皆可以日出後天氣和靜面
向日在室中亦向日存為之平氣閉目握固叩齒九通
存日赤暉紫芒長引吸而嚥之使入所患之臟腑若非
臟腑之疾在於肢體筋骨者亦宜先存入所主之臟也
閉極又引凡得九嚥覺其臟中有氣乃存其氣攻於所
苦之處閉極微微吐氣其息稍定更嚥而攻之覺疾處
溫暖汗出為佳若在四肢應可導引者則先導引其處
已後攻之縱是體上亦宜按捻令其氣通若在頭中當

散髮梳頭皮數百下左右搖頭數十過乃吸氣以兩手指於項上急攀之以頭向上力拒之仍存氣向上入腦於頂髮諸孔衝出散去一極訖放手通氣更為之以覺頭頸汗出痛處寬暢為候若病在臟腑者仰卧吸引存入其處得五六嚥則一度閉息攻之皆以意消息其病或久來痼疾并有癥塊堅積者則非氣之所能愈終亦覺積寬平也兼藥同療亦無妨乃於藥性易效爾用氣攻病雖攻其處膚腠散出然兼依明堂圖取其所療之

穴而相引去之佳既知其穴宜依十二月各用其律管
急按穴上相而出之則心存有所主氣行有所適矣

黃鍾十一月律也管長九寸空中圍九分諸管並同大
呂十二月律也管長八寸太簇正月律也管長七寸強
夾鍾二月律也管長七寸強姑洗三月律也管長七寸
強仲呂四月律也管長六寸強蕤賓五月律也管長六
寸強林鍾六月律也管長六寸強夷則七月律也管長
五寸強南呂八月律也管長五寸強無射九月律也管

長四寸強應鍾十月律也管長四寸強皆取山陽之竹
孔圓者其節生枝不堪用手臂不援雖云手臂諸有疾
處亦可為之先以一手徐徐按摩所疾之處良久畢乃
瞑目內視視見五臟嚙液三過叩齒三通正心微祝曰
太上四玄五華六庭三魂七魄天關地精神符縈衛天
胎上明四肢百神九節萬靈受錄玉晨刊書玉城玉女
侍身玉童護命永齊二景飛仙上清長與日月年俱後
傾超騰昇仙得整太平流風結痾注鬼五飛颺颺冢訟

二氣徘徊陵我四肢干我盛衰太山天丁龍虎曜威斬
鬼不祥凶邪即推考注內訟百毒隱形使我復常日月
同暉考注見犯北辰收推百邪不敢干明上威

常以生氣時嚥液二七過按體所痛處向王而祝曰左
玄右玄二神合真左黃右黃六華相當風氣惡疾伏匿
四方玉液流澤上下宣通內遣水火外辟不祥長生飛
仙身常休強畢又嚥液二七過又當急按所痛處三十
一過常如此則無疾也

病候論第九

天生之為命也資乎形神氣之所和也本乎臟腑形神
真願則生全而享壽臟腑清休則氣泰而無病然稟精
結胎之初各因四時之異誕形立性之本罕備五常之
節故躁擾多端嗜慾增結或積病於受生之始或致疾
於役身之時是故喜怒憂傷自內而作疾也寒暑飲食
自外而成病也強壯之歲惟知犯觸衰謝之年又垂修
養陰陽五升形氣相違諸疹既生厥後多狀況乎服氣

者穀腑已斷形體漸羸精氣未全神魂不暢或舊疹因之以發動新兆致之以虛邪須知所由宜詳所療今粗具可辨之狀以代問醫則其氣攻之術希同勿藥虛實之形其何以生自氣血以并陰陽相傾氣亂於衛血流於經血氣離居一實一虛血并於陰氣并於陽故為驚狂血并於陽氣并於陰乃為臈中血并於上氣并於下煩惋善怒血并於下氣并於上亂而善忘陽虛則外寒陰虛則內熱陽盛則內寒陰盛則外熱五臟之道皆出

於經遂行血氣血氣不和百病乃變化血而生氣有餘
則腹脹滲泄不厥天之邪氣感則害五臟水穀之寒溫
感則害六腑也地之溫氣感則害皮肉筋脈也又邪之
主也或生於陰或生於陽生於陽者得之風雨寒暑生
於陰者得之飲食居處陰陽喜怒陽者天氣也主外陰
者地氣也主內陽道實陰道虛故犯賊風虛邪者陽受
之飲食不節起居不時者陰受之陽受之則入六腑陰
受之則入五臟入六腑則身熱不卧上為喘呼入五臟

則填滿閉塞下為滲泄久為腸癖故喉主天氣咽主地氣陽受風氣陰受濕氣陰氣從足上行至頭而下行循臂至指端陽氣從手上行至頭而下行至足故曰陽病者上行極而下行陰病者下行極而上行傷於風者上先受之傷於濕者下先受之頭者精明之腑也頭僊視深精則奪矣背者胸之腑也背曲肩隨胸將壞矣腰者腎之腑也轉搖不能腎將僊矣膝者筋之腑也屈伸不得則屢跗筋將僊矣髓者骨之腑也不能久立行則掉

慄骨將慙矣肺熱病者右頰赤心熱病者顏先赤肝熱病者左頰赤脾熱病者鼻赤腎熱病者頤赤病雖未發見其色者所宜療之故曰療未病之病肺熱病者色白而毛槁心熱病者色赤而絡脈溢肝熱病者色蒼而密枯脾熱病者色黃而肉濡腎熱病者色墨而齒枯

肝主春足厥陰少陽主治其日甲乙肝苦逆急食鹹以緩之又曰肝病欲散急食苦以瀉之禁當風肝惡風也心主夏手少陰太陽主治其日丙丁心苦緩急食辛以

收之又曰心病欲濡急食鹹以濡之用酸補之甘瀉之
禁溫衣熱食心惡熱也

脾主長夏足太陰陽明主治其日戊己脾苦濕急食苦
以滲之又曰脾病欲緩急食甘以緩之用苦補之辛瀉
之禁濕食飽食濕地濡衣脾惡濕也

肺主秋手太陰陽明主治其日庚辛肺苦氣上逆急食
鹹以泄之又曰肺病欲收急食甘以收之鹹以瀉之禁
寒衣飲冷肺惡寒也

腎主冬足少陰太陽主治其日壬癸腎苦滲急食辛以潤之腠理致液氣通又曰腎病欲急食苦以堅之用辛補之酸之燂煖無熱食溫衣腎惡滲也

辛走氣氣病無食辛甘走肉肉病無食甘鹹走血血病無食鹹酸走筋筋病無食酸是謂五禁勿多食也

肺病者喘咳逆氣肩背痛汗出尻陰股膝脛胫足背痛虛則少氣不能報自耳聾嗑乾矣

心病者胸中痛脅肢滿肋下痛膺背肩脾間兩臂內痛

虛則胸腹大脅下與腰相引而痛

肝病者兩脅下痛引入小腹令人喜怒虛則恐如人將捕之氣極則頭痛耳聾頰腫

脾病者身重肌肉萎足不收行喜挈脚下痛虛則腹脹腸鳴泄食不化

腎病者腸大體重喘咳汗出惡風虛則胸中痛也

肺風之狀多汗惡風時欲咳嗽喘氣晝日善暮則甚診在眉上其色白

心風之狀惡風焦絕喜怒診在口其色赤

肝風之狀惡風耳鳴嗑乾喜悲善怒診在目其色青微
蒼

脾風之狀多汗惡風身體急墮四肢不通微黃不嗜食
診在鼻上其色黃

胃風之狀多汗惡風飲食不下隔塞不通腹善滿失衣
則脹食寒則泄診在形瘦而腹大

首風之狀其頭痛面多汗惡風先當風一日病其頭痛

不可出至其風止則小愈矣

雲笈七籤卷五十七

欽定四庫全書

雲笈七籤卷五十八

宋 張君房 撰

諸家氣法

胎息精微論

身不衰老內食太和元氣為首清淨自鍊委身放體志
無念慮安定臟腑洞極太和長生久視潛氣不動意如
流水

前波已去而後波續處不返也

行之不休得真道矣每日入淨室

守玄元玄元謂存玄門玄中有玄是我命命中有命是

我形形中有形是我精精中有精是我氣氣中有氣是我神神中有神是我自然德以形為車道以氣為馬魂以精為根魄以目為戶形勞則德散氣越則道叛精銷則魂損目勤則魄微是以靜形愛氣全精寶視道德凝密魂魄固守所以含道不言德氣之真肌膚潤澤得道之根手足流汗精氣充溢不飢不渴龜龍胎息綿綿長存用之不勤飲於玄泉登於太清還年返嬰道之自然至道不遠近在己身用心精微命乃延永夫道者傳服

五牙八方四時日月星辰等氣

五牙者五行之生氣黃庭經云存漱五牙不飢

不渴

思自頂而入自鼻而出雖古經所載然為之者少見

成遂亦非食穀者所能行耳是以服氣者多不得其訣即在精勤不懈矣

桑榆子曰鳥鵲而至乎天地是不知量彼五牙八方日月星辰等教不為初地者設無成也當俟其稍近之時可也

凡胎息服氣從夜半後服內氣七嚥每一嚥既調氣六

七息即更嚔之每嚔如水流過坎聲是氣通也直下氣

海中凝結腹中充滿如含胎之狀氣從有胎中息

氣海中

氣充然後為胎息之道也氣成即清氣凝為胎濁氣從手足及髮中

出胎成即萬疾自遣漸通仙靈今之學服氣者或得古

方或授自非道皆閉口縮鼻但貴息長而不知藏擁閉

畜損傷正氣殊非自然之息但煩勞形神無所裨益凡

服氣之時即須關節通胃海開納元氣固納鼻即關節

還閉徐徐鼻出納外氣自然內外不離胎中氣亦不得

出但潛屈指數息從十至百數從一百至二百三百此
為小通即耳目聰明百病皆愈若抑塞口鼻擬習胎息
殊無此理也口鼻氣既不通即畜損臟腑有何益哉凡
餌內氣者用力寡而見功多惟在安神靜慮不煩不擾
則氣道疏暢關節開通內舍元和終日不散膚體潤澤
手足汗出長生之道訣在此矣從夜半後服七嚥即閉
氣令內氣不出鼻口常徐徐出納外氣內氣都不相雜
至五更又服七嚥平旦又服七嚥都二十一嚥止若休

糧者即不限此數肚空即嚥內氣嚥內氣常滿自無饑渴初似小難久久習慣自然內外之氣不相混雜漸漸關節開通毛髮踈暢氣自來往亦不假鼻中徐徐通外氣也胎息之妙窮於此也

茅山賢者服內氣訣

側卧右脇著地微縮兩足著頭向南面東兩手握固傍其頤閉取內氣極力開喉嚥之如此七嚥一吐氣若病時服

氣一嚥兩嚥一吐然後一七嚥一吐氣可也

又調息令出入氣勻準前又嚥

都四十嚥乃起坐鍊之豎膝坐兩手相入抱膝閉氣鼓
腹二七或三七氣滿即吐更調息持不得令喘麤調訖
又閉氣二七或三七一吐氣使腹調適乃休或汗出頭
足熱此氣遍也即當飽滿三關百節宣通暢適行之十
年登仙老容返少夫舊經皆存想恐為煩勞却使心意
難行服氣本於胎息但無思念自合元化之功久久行
之當自知其妙矣僕遊蒙山遇此賢者年可五十已下
其精神清朗頗異於俗因問之云貞觀已前遊此山不

道姓名自稱老夫僕遂慙懃拜之蒙授此訣行之甚弘
益妙哉妙哉凡欲得道不死腸中無屎音津欲得長生五
臟精明故黃庭經云何不食氣太和精故能不死入黃
寧陰符云積火可以焚五毒五毒謂五味五味盡可以
長生西王母告武帝曰能益能易名上仙籍不益不易
不離死厄所謂益易者能益精易形也常法能愛精握
固閉氣吞液則氣化為血血化為精精化為液液化為
骨常行之不倦精神充滿一年易氣二年易骸一本為血也

三年易血

一本為易脈

四年易肉五年易筋

一云易髓

六年易髓

七年易骨八年易髮九年易形十年道成位居真人變化自由即靈官玉女而侍

胎息根旨要訣

古修胎息者尋其所著皆未達於玄門據其文字所陳悉皆互有得失或云無氣是胎閉氣不喘是息各執一門未有所趣迷誤後學疑惑益滋而修生之人性命已殆足可悲哉余今所得實為簡易將來學人保而深惜

夫云服氣即胎息之妙用也切在分析內外氣及在臟

腑之氣統一身之所生不可得而知也此氣須日日生

之凡麤氣在榮衛之中為喘鳴之氣

氣本麤者命促氣本細者命長

衆

氣在臟腑之內為運動之氣此兩者並非修服之氣其

胎息者是天地陰陽二氣初結精之氣氣結而為形形

既成立則精氣光凝為雙瞳子雙瞳子者即父母之精

氣號為純陽之精故能鑒視萬物又受父母之陰氣而

成玄牝即口鼻也是知形為受氣之本氣為成形之根

此二氣為形之根蒂也根蒂既成則能隨母呼吸綿綿
十月胎體成而生故修養者效之云復其根本此胎息
之要也古皆云氣海者為氣之根本此說非也為不知
其所止是以復之無益古仙皆口口相授非著於文字
之中蓋欲貽其同志所謂根本者正對臍下九關兩
脊相夾其中空處膀胱下近脊是也名曰命蒂亦曰命
門亦曰命根亦曰精室男子以藏精女子以月水此則
長生氣之根本也今之所復其根本修其所生則形中

母子何不守之夫氣為母神為子氣則津液也氣無形質隨精液以上下但先立形則因形而住氣為其母而子不捨母則依母而住神氣住形中則能住世長生久視故修生之人常令神與氣合子母相守自然玄牝無出入息也莊周云真人息以踵言其息深深也老子經云深根固蒂是為復命此乃命門元氣根本之旨也將來君子勿得輕泄耳

胎息禱訣

一經云但徐徐引氣出納則元氣亦不出如胎息者然
內外之氣不襍此名胎息然用功之人閉固內氣訖亦
鼻中微微通氣往來候氣調即復閉之切勿令至咽喉
極力抑忍為之須臾忽然自得調暢內外泰矣

此蓋關
節開毛

竅通
故也

到此雖千息亦不倦焉又胎息之妙切在無思無

慮體合自然心如死灰形如枯木即百脈暢關節通矣
若憂慮百端起滅相繼欲求至道徒費艱勤終無成功

桑榆子曰有苦惱之氣有貪惡之氣諸如此類皆邪氣
橫中能為元氣之關防亦猶小人當路則君子無所逞

其才也

此道至微至妙出塵之士方可為之未離名利之

關徒勞介意

桑榆子曰縱未出塵但能使心不亂不見可欲則可矣

尹真人服元氣術

夫人身中之元氣常從口鼻而出今制之令不出便滿丹田丹田滿即不饑渴不饑渴蓋神人矣是故人之始胎不飲不啄不飲不啄故無出入息即元氣復元氣復即長生之道機也所以然者謂元氣在丹田中諸臟不隔周流和布無所不通以其外不入內不出全元氣守

真一是謂內真之胎息也始生之後則飲食飲食之後

即臟腑實臟腑實即諸臟相隔

諸臟相隔即丹田氣

亡其本也居

乎臟腑之上行乎心腎之中數寸往來安得長久是以
未終其分已有枯首蹇足槁形喪氣之患所以至人有
見能復其氣還其本使得延年長生也夫服元氣先須
澄其心令無思無為沖然恬澹可也故知絕粒者乃長
生之徑路服氣者不死之妙門深信不疑力行無倦經
曰綿綿若存用之不勤術曰因其出息任以自然而出

未至半口鼻俱闕徐徐而已氣即上行氣既上行即舉

首以聲嚥之矣仰息左覆息右

其注在調氣篇

以氣送通下胃

氣

又云以意引氣送之至胃胃中氣轉流下方至丹田丹田滿即流達於四肢也

轉下流至丹

田又從容如初嚥下嚥下餘息息即丹田不隔丹田不

隔即入四肢以意運行即流布矣大底氣息不欲出於

玄牝但令通流欲出皆須調息不得麤喘也若隔氣未

達丹田雖欲強為終難致矣是以初服者皆多妨滿但

資少食必在勤行勤心行即氣自流轉自然之功著矣

所謂飲自然以御世朝神以入微始乎三五成乎七九若
斯道者豈虛語哉謂氣入腹中皆三處有隔初學之者
先覺胃中妨滿噫氣不休但少食為之即覺通於生臟
後自覺到丹田然始覺氣周行身中身中調暢即神明自然
致矣故須居於靜處克意行之功業若成所在可也如
其妄動氣即難行初作之時先覆仰凡一日一夜限取
四時四時不虧即氣息相接氣息相接即丹田實丹田
實即任意行之中間停歇亦得其四時謂寅午戌子時

也用仰勢法低枕卧縮兩肩兩膝伸兩手著兩肋用覆勢法以腹著牀以被揜臂手足並伸其仰嚙即令氣從左下覆嚙即令氣從右下嚙氣之時皆令作聲有津液來亦須別嚙乃出息若用入息即生風隨入不可不慎之嚙氣中間即別任意休息待心喘俱定然後乃可復為之初用氣時必須安穩坦然無事氣則流通若心有所拘即窒塞不流注也慎勿疑慮亦勿畏其敗失亦勿慮其不成但謀進取勤勤之功稍稍之效自然至誠感

神神明自至矣夫服氣斷穀不得思食未能自靜切須
捺之或渴或熱即煮薜荔湯飲之即定湯中著少生薑
或煎薑蜜湯亦得如覺心中滿悶即咬嚼些甘草桂心
五味子等並妙但服氣不失其節即氣自盈滿縱出入
行人事或對賓客語言談話種種運為百無妨礙及成
之後更不服氣氣亦自足窮神極理妙不可言須食即
食須休即休復食復氣惟意所在每日飲少許酒引氣
切慎果子五辛邪蒿葫荳芸薑椿等此物深亂人氣慎

勿食之如能至心三七日中可以內視五臟歷歷在目
神清形靜行之七日其效驗也已自知之更須專精二
十日來不食即腹中盡腹中盡之後喫一兩杯煮菜苜
蓿芥松蔓菁及枸杞葉葵等並著少蘇油醬醋取味食
之勿著米麵所欲腹中穀氣盡耳更四五日除菜喫汁
又三數日後即總停之可三十日即自見矣所謂不寒
不熱不渴不饑修行至此世為神人即吾道成矣

服元氣法

服元氣於氣海氣海者是受氣之初傳形之始當臍下
三寸是也嬰兒誕育時惟臍帶與母胞相連其帶空中
如管則傳氣之所形從此漸凝結也人欲長生必修其
本樹欲滋榮必固其根人不知根本外求修助萬無一
成氣海者與腎相連屬壬癸水水歸於海故名氣海氣
以水為母水為陰陰不能獨生成必以陽相配心屬南
方丙丁火是盛陽之主既知氣海以心守之陽既下臨
陰即上報是以化為雲霧蒸薰百骸九竅無所不達亦

能為津液如甘雨以潤草木正氣流行他氣自匿用久轉微意思則久矣初用與已成不得同年而語凡氣困者身皆有疾沉結在內或醫藥不能療尤須精誠併去外想閉氣於氣海以手於臍下候之氣應之候衝容如喘如觸或鳴或痛如掣如物動於掌下亦須靜候之兼以目下注是陽氣照陰陰氣騰上又能為津液也如此久久鼻中喘息都無出入祇覺氣海中時動用耳初用意時須平卧去枕小努氣海使得滿腹作意勿令至心

肺至即心悶妨塞即不能下照下照是心守海也良久
元氣遍身無處不暖每關節皆難通若至腰關尤難過
之當稍以氣閉努之三兩間突然便過過後即氣常至
腰踵莊子云息之以踵是也已後筋骨常欲動用每動
有聲是氣到無擁常能如是長生道也竊用其道不授
口訣反受其病凡欲鼓腹不在入氣是要訣欲過腰關
當側卧縮兩脚兼拳兩手偃腰極努如此即不覺通也
不然終成閉塞若能常用不絕雖在衆中密為之用心

令熟外事不擾尤為佳也若隔上并頭面間有疾處即上攻之尋常即下至踵及氣海中微微用之息自消矣久候液當滿口如逆喫物下消用之隨盡每用氣後必須微調息使散若不散他日為瘡瘍終不為佳須先以意在疾處攻擊之徐徐用意與擊令散疾差已後即不得注令留滯當遣通遍身微微如霧露是其常也收散俱歸海中閉目為想開口為存存則不專乃著著則氣滯覺應則止謂之常覺覺而味謂之滯候應專靜謂之

守流液滿口謂之報報與應一也朝飲少酒暮食少麵不可多之

胎息口訣

并序

序曰在胎為嬰初生曰孩嬰兒在腹中口含泥土喘息不通以臍嚙氣養育形兆故得成全是知臍為命門凡嬰兒或有初生尚活少頃輒不收者但以暖水浸臍帶向腹捋三五過即蘇乃知臍為命門信然不謬修道者欲求胎息先須知胎息之根源按而行之喘息如嬰兒

在腹中故名胎息返本還元却老歸嬰良有由矣綿綿不間胎仙之道成焉故先序經紀體用兼明備矣

凡欲胎息先須於靜室中勿令人入正身端坐以左脚搭右脚上解緩衣帶徐徐按捺肢節兩手握固於兩腿上即吐納三五過令無結滯滌慮清閒虛心實腹左右徐徐搖身令臟葉舒展訖還徐徐放著實即鳴天鼓三十六過漱滿華池然後存頭帶朱雀脚履玄武左肩有青龍右肩有白虎然後想眉間一寸為明堂却入二寸

為洞房却入三寸為丹田宮

亦名為泥丸宮

宮中有神人長二

寸戴青冠披朱褐執絳簡次存中丹田

中丹田心也亦名絳宮

中

有神人亦被朱褐次存下丹田

在臍下二寸半紫微宮亦名氣海也

中有

神人亦披褐

桑榆子曰金剛經云如來說諸相具足即非諸相具足彼所以立相生名者以為戒

繫之階也夫神豈立於上豈住於下豈留中間舒澤彌乎大千挈之亦復無物若隨跡觀相隨相強名恒河之沙詎足以算數夫神也變化不測豈

次存五臟從心起

遍存五臟六腑存五臟中各出本方氣及三丹田中素


雲合為一氣於頭後出煥煥分光九色上騰可長三丈

餘想身在其中此時即口鼻俱閉心存氣海中胎氣出入喘息只在臍中如氣急即鼻中細細放通息候氣平還依前用心存之以汗出為一通亦不限過數如體熱悶即心存氣遍身出如飯甑中氣此名滿息久久行之入玄寂中出妙默中再嚙洞觀形中五臟六腑及大小腹胃受一二升如黃土色脾長一尺二寸在胃上前後摩動不停停則不和飯食不消如飯食不消即是不摩矣當須閉氣以手摩腹一百下即自然轉摩矣次存心

心如紅蓮花未開下垂長三寸上有九竅二竅在後正面有黑毛莖長二寸半次存肺肺似白蓮花開五葉下垂上有白脈膜在心上覆心次存肝肝在心後七葉紫蒼色上有黃脈膜從左邊第三葉下膽在此也其膽色雜青黃長二寸半次存腎腎狀如覆杯黑色却著脊去臍三寸上小下大左為上右為下遍觀一形三十六位三百六十骨節皆有筋纏骨青白如玉色筋色黃白髓若冰雪有三百六十穴穴之中皆有鮮血如江河池

潭也及見左脚中指第二節是血液上源其中湧出通
流一形一夜繞身三萬六千匝至右脚中指第二節則
化盡所以人若睡必須側卧拳跼陰魄全也睡覺即須
展兩脚及兩手令氣通遍渾身陽氣布也若如此修行
即與經所言動息善時之義合矣久久行之口鼻俱無
喘息如嬰兒在胎以臍通氣故謂之胎息矣綿綿不間
經三十年以繩勒項不令通氣亦不喘息喘息常在臍
中水底坐經得十日五日亦可矣獨行此事功效如前

若果得真更須修道此事乃是一門不可不作也



雲笈七籤卷五十八

欽定四庫全書

子部

雲笈七籤卷

五十九
六十

詳校官監察御史_臣邱庭澍

檢討_臣何思鈞覆勘

總校官庶吉士_臣倉聖脉

校對官中書_臣金光悌

謄錄監生_臣秦朴

欽定四庫全書

雲笈七籤卷五十九

宋 張君房 撰

諸家氣法

延陵君修養大略

仙真經云夫人臨終而始惜身罪定而思遷善病成而方切藥天網已挂胡可追耶故賢人上士惜未危之命懼未萌之禍理未至之病也修真之品有三上年中年下年上年者二十三十也中年者四十五也下年者

六十七也上年者早悟大道識達玄微體壯骨堅筋
全肉滿從容履道無不成功中年者悟道已晚筋肉骨
髓各有其半處在進退如日中功下年者骨髓筋脈十
有三二猶可補修如日暮功矣八十已上者罪位已定
無可救之法腦竭髓盡萬關乾枯神謝氣亡尸行鬼步

桑榆子曰尸以喻無知鬼以喻有知而非人情者行惟
尸行步惟鬼步且行且步運之者誰則知元氣尚在但
以減耗降於涸耳若逢至人或得大藥譬恃盈車之焦
蓬執將鑪之餘焰亦可以致其赫然而熾矣此言無可
救者只謂氣功已晚自我之事不及矣若遇玄聖而救
則能生其肉骨起什莫枯何為而不可况彼尚為物也

先賢上士知風燭之倏忽乃攝志禔情捨榮棄俗奉身
歸道不與物傷道氣也氣者身之根也魚離水必死人
失道豈存是以保生者務修於氣愛氣者務保於精精
氣兩存是名保真也人有三丹田上元中元下元是也
上元丹田腦也亦名泥丸中元丹田心也亦名絳宮下
元丹田氣海也亦名精門三元之中各有一神桑榆子曰精化
為氣氣化而神集焉神何物也靈照之名也知之則氣
全氣全則神全若元氣充滿百骸孔竅神必備矣必備
者無他氣至則神到今人有憂患動中則知見因而暫
虧蓋氣權有不至者耳苟心冥氣和其神豈獨三元之

中而然精者身之根根者氣之位精全則氣全精泄則已哉

氣泄氣泄則神棄而去之惟精與氣須全焉黃庭經云長生至慎房中急何為死作靈神泣但當吸氣鍊子精寸田尺宅可治生若當決海百瀆傾葉去樹枯失青青故先覺至於道者莫不因愛氣保精而能全也夫服氣本名胎息胎息者如嬰兒在腹中十箇月不食而能長養成就為新受正氣無思無念汎然凝寂受元氣變化關節臟腑皆自然而成豈有傳保之流饑渴之備耶及

出母腹即吸納外氣而有啼呌之聲即乾濕饑飽似有所念即失元氣人能依嬰兒在母腹中自服內氣握固守一是名曰胎息

桑榆子曰此言失元氣者非也苟納外氣便失元氣即世間無復有生人

矣法華經云須行住坐卧身心不亂者亦言炁主心心

邪則氣邪心正則炁正今人舉手動足喜怒哀樂莫不由心心之動息莫不是炁炁感意意從心心和則炁全炁全則身全炁滅則神滅神滅則為委土矣故醫家先診脈者則候五臟四時之氣察諸病源始尋方藥人但

能察得氣候口鼻取舍斯須不忘自然五臟和而脈調
氣順也夫人與天地合體陰陽混氣皮膚骨髓臟腑及
榮衛呼吸進退寒暑變異莫不均乎二儀應乎五行是
知天地否泰陰陽之氣亂焉臟腑不調經脈之候病焉
因外所中者百病起於風因內所致者起於氣為百病
故曰恬澹虛无真炁從之精神內守病從何來信哉是
故須知形神之理養而全之須審內外之病慎而修之
岐伯高曰食氣者則靈而壽延食穀者多智而限命凡

服氣者何求也以其功至則氣化為血血化為精精化為髓一年易氣二年易血三年易脈四年易肉五年易髓六年易筋七年易骨八年易髮九年易形即三萬六千神備於兆身化為真仙號為真人矣是以意在玄微理生可測修真之人又有三等任時分理其狀不一上等之士本性虛閒用志清雅發言合道履行無瑕如此之人有前代之資以石投水無所比之也中等之人或身居榮祿或地勢高遠或巨業厚姻或有名有望遲疑

進退倏忽虛捐聞道即寤寐不安思名則終朝不息兩
心交戰勝者即全逡巡之間十失六七矣中等已降二
時既過蹉跎暮年筋力衰微心神已喪雖食厚祿白日
將傾追念噬臍方即正路此時若能精心勵志尚可救
其一二焉此皆先賢所悲表示於後幸察根柢生實信
心

神仙絕穀食氣經

經曰夫欲學道神仙食氣之法常以春二月三月九日

十八日二十七日若甲辰乙巳丙辰丁巳王相成滿日
可行氣也夫欲行氣起精室於山林之中隱靜之處必
近甘泉東流之水向陽之地沐浴蘭湯以丹書玉房為
丹田方一寸玉房在下三寸是也精念玉房內視中丹
田內炁致之於下丹田又先去鼻中毛偃卧兩足相去
五寸兩臂去身亦五寸瞑目握固手如嬰兒之拳蒲弱
為枕高三寸若胃中有病枕高七寸病在臍下可去枕
既行氣不復食生菜五辛及葷也諸欲絕穀行氣法食

日減一口十日後可不食二日三日腹中或惛惛若饑
取好棗九枚或方寸朮餅九枚食之一日一夜不過此
也不念食者勿嗽也飲水日可五勝亦可三勝勿絕也
口中恒含棗核令人愛氣且生津液也經曰道者炁也
愛氣則得道得道則長生精者神也寶精則神明神明
則長久行氣一名鍊氣其法正強卧徐漱醴泉嚥之醴
泉者華池以鼻微微內炁徐引之莫令大極滿入五息
已一息因可吐也一息屈指數之至九十息若身大煩

滿者可頻伸頻伸訖復行之滿四九三百六十息為一
竟為之久久衆病自除吐氣既還欲吸之時先復小吐
微微往來如是再三更鼻引之不爾者令人氣逆凡內
氣則氣上昇吐氣則氣下流久自覺氣周於身中若行
氣未定意中疲倦便鍊氣以九十息為一節三九二百
七十息為一竟行氣令胖胖滿臟無令氣大出閉氣於
內九十息一嚥嚥含未足者復滿九十息三九自足莫
頻數也當念氣使隨髮際上竟及流四肢自然下至三

星

玉莖二
卯是

經曰行氣常以月一日至十五日念氣從手

十指出十六日至三十日念氣從足十指出久之自覺
氣通手足行之不止身日輕強氣脈柔和榮衛肢節長
生之道在於行氣靈龜所以長存服氣故也諸行氣之
後或還欲食者初飲米汁粥日增一口漸加之十日之
後可食淖飯勿致飽也經曰行氣之法初為之時多不
和調令人欬逆四肢或冷既行之久日自益也四九三
百六十息身如委衣骨節皆解久久乃覺氣行體中經

營周匝濡潤形體洗滌皮膚五臟六腑皆悉充滿百病
除去凡初行氣之時先安其身而和其體若氣與競爭
身不安者且止和乃行之氣至則形安形安則鼻息調
和鼻息調和則清氣來至清氣來至則自覺形熱自覺
形熱則頻汗出且勿便起在安徐養之務欲其久諸行
氣皆無令意中有忿怒愁憂忿怒愁憂則氣亂氣亂則
逆思一則正氣來至正氣來至則口中甘香口中甘香
則津液多生而鼻息微長鼻息微長則五臟安五臟安

則氣各順理為長生久壽行之之法以鼻微微引氣內之以口吐之此為長息內氣有一吸也吐氣有六呼也吹也嘻也呵也噓也咽也凡人之息一呼一吸無過此數行道之法時寒可吹時溫可呼吹以去熱呼以去風呵以去煩嘻以下氣噓以散滯咽以解極夫人之極率多噓咽噓咽者長息之忌也道家行氣之所惡也

太元先生服氣法

夫形之所恃者氣也氣之所依者形也氣全即形全氣

竭即形斃是以攝生之士莫不鍊形養氣以保其生未
有有形而無氣者氣之與形相須而成豈不皎然余慕
至道備尋經訣行氣守真向三十餘載所聞所見殊未
愜心大厯中遇羅浮山王公自北嶽而返倚策高郵依
然相顧余竒其異人延之與語果然方外有道之士哀
余懇至見授吐納皆一二理身之要道也心思罔極非
言詞所能盡每云道之要法不在經書悉傳口訣其二
景五牙六戊諸服氣皆為外氣外氣剛勁非從中之事

未宜服也至如內氣是曰胎息身中自有非假外求不得明師口訣徒為勞苦究無所成今所撰錄皆承師之旨要以申明之諒非愚蒙所自裁王公常謂余曰老君云我命在我不在天地又曰吾與天地分一氣而自理焉天地焉能死吾斯真言要訣也修奉之士宜三復之參承誘訓敢不佩服有偶得此訣者慎勿輕傳無或泄露以致其殃修真服氣法日常卧攝心絕想閉氣握固鼻引口吐無令耳聞惟是細微滿即閉使足心汗出

一至二數至百已上閉極微吐之引少氣還閉熱即呵之冷即吹之能至千數即不須糧食亦不須藥時飲一盞酒或水通腸耳數至五千則隨處出入有功可入水卧矣夫服食養生貴其有常真氣既降方有通感豈有縱心嗜慾而望靈仙羽化必無此事也但仙人至士功行未滿尚不能致况凡俗人乎但信老人言勤行之當自知也

墨子閉氣行氣法

老子曰長生之道惟在行氣養神吐故納新出玄入玄呼吸生門其身神不使去人即長生也玄者有上下謂鼻中口陰也鼻口陰亦謂之生門矣老子曰生不再來故遵之以道道者氣之寶寶氣則得道得道即長生矣神者精也寶精則神明神明則長生氣行之則為道也精存之則為寶也行氣名鍊氣一名長息其法正偃卧握固漱口嚥之三日行氣鼻但納氣口但出氣徐縮鼻引之且莫極滿極滿者難還初為之時入五息已一息

可吐也每口吐氣欲止輒一嚥之乃復鼻內氣不爾者
或令頻凡內氣則氣上昇吐氣則氣下流自覺周身也
行氣常以月一日至十五日念令氣從手十指出十六
日至月晦念令氣從足十指出若行之能久自覺氣從
手足通氣從手足通則能閉氣不息便長生矣凡欲行
氣先安其身而和其氣無與意爭若不安和且止和乃
為之常守勿倦也氣至則形安形安則鼻息鼻息則調
和調和則清氣來至清氣來至則自覺自覺則形熱形

熱則汗出且勿便起以安養氣務欲其久當去忿怒愁
憂忿怒愁憂止則氣不亂氣不亂則正氣來至正氣來
至則口內無唾而鼻息微長鼻息微長則五臟安五臟
安則氣各順其理百病退去飲食甘美視聽聰明形體
輕強可長生矣夜半至日中為生氣從日中至夜半為
死氣當以生氣時正偃卧冥目握固閉氣息於心中數
至二百乃口吐出之日增數如此身神具五臟安能閉
氣數至二百五十即絳宮神守泥丸常滿丹田數至三

百華蓋明目耳聰舉身無病邪不復干玉女使令司命
著生籍矣

太清王老口傳服氣法

此卷口訣並楊府脫空王老所傳授其脫空王老時人
莫知年歲但見隱見自若或示死於此即生於彼屢於
人間蟬蛻轉脫故時人謂之脫空王老多遊楊府自言
姓王亦不知何處人每逢志士即傳此訣云祕妙方若
傳非其人自招其咎此卷並學有次第志人口訣非初

學法也為當學人初兼食服以此屢言食物且食氣秘妙切資斷食使穀氣併絕但能精修此法知騰陟道不遠也凡人腸中三處有隔即心有隔初學服氣者覺心下胃中滿但少食久作之自覺通下生藏下有隔即覺腸中滿久作之自覺到臍下丹田中到丹田中始覺氣周行身中然猶自未入鳩中後覺鳩中氣出即能與人治病也初學時必須安身閒處定氣澄心細意行之久而不已氣入腸中即於行住坐卧一切處不妨胃中氣

未下入腸中即不得作初服氣皆須因入息時即住其
息少時似閉滿其息出時三分可二分出還住少時嚥
之嚥已又作至腹中滿纔休必須日夜四時作為初學
人氣未入丹田還易散意欲得氣入丹田未間縱不服
氣亦氣不散四時者朝暮子午時是也心裏滿不服氣
咬少許甘艸桂亦得其滿即散丹田未滿亦不到滿也
元氣下時自然有少悶也祕之勿妄傳非人也

曇鸞法師服氣法

初寬坐伸兩手置膝上解衣帶放縱肢體念法性平等
生死不二經半食頃閉目舉舌奉腭徐徐長吐氣一息
二息傍人聞氣出入聲初麤漸細十餘息後乃不自聞
聲凡覺有痛痒處便想從中而出但覺有異關漸長吐
氣從細至麤十息後還如初或問曰初調氣何意從麤
而漸細將罷何意從細而入麤鸞答曰凡動作視盼飲
食行坐言語是麤也桑榆子曰凡修氣學者未服及服
罷於飲食言語蓋常事也鸞公欲
使兩相接會不令
其首尾陡異也凡睡寤後復如前繫念如虎銜子莫

急莫緩不問寒溫室中先淨所住使心不亂靜其膝耳
又曰四大不調何以察之當於唇口察之冷為風增熱
為火增滑為水增澁為地增不冷不熱不滑不澁為調
和又聲為風增動為喘增痒為熱增涎為水增不聲不
喘不痒不涎為調和又心煩為熱結憂悸為喘結志蕩
為水結不煩不亂不悸不蕩為調和四大不調有二或
外或內寒熱饑虛飽飫疲勞為外起名利喜怒聲色滋
味念慮為內起凡氣節量一任自然綿綿若存用之不

勤而已但能不以生為生乃賢於養生也

桑榆子曰諸經皆言吐納

不欲自聞其聲而驚言初竈而漸細後細而漸竈始甚疑之及觀下文云一任自然則知開竈細之漸是為最下乘者設不欲使之與自然爭力也然必以微細自不聞聲為上從細微而至無息即胎息之理盡矣恐學者功至之後猶拘牽文字著於竈細先後之門返與自然為敵良可哀也如此又焉得不為之明辨

達摩大師住世留形內真妙用訣

吾昔於西國受得住世留形胎息妙師名寶冠傳吾秘訣問曰今欲東遊震旦及諸國土宏傳心地密法其諸國土人多遇寒暑為災患所傷例皆死喪意欲擬向此

王宏傳心法願求留形不為灾患疫疾所侵長能住世
留形不死不知得否師云得又問曰如何即得師云夫
所生之本始胎息即是神與精氣相合凝結能變化為
形者即是為受之本本氣是人有的根氣因神而生形
因氣而成形不得氣無因得成氣不得形無因為主原
其所稟之時伏母臍下混沌三月玄牝具焉玄牝者
口鼻也玄
牝既立猶如瓜花閣注母氣終於此也在胎之日母呼
即呼母吸即吸綿綿十月氣足形圓神備識全遂解胎

而生矣世人不知胎息之術住世留形之本如有學者
能心不緣境住在本源意不散流守於內息神不外役
免於勞傷心即氣之主氣即形之根形即氣之宅神即
形之具令人相因而立若一事有失即不合於至理何
能久立焉但凡夫之人年二十口好滋味心懷喜怒目
眩五氣耳聾五音身貪欲樂意逐外緣役智運神間不
容息如此之流晝夜未曾暫息原樸之根蕩然而盡以
致形傷氣散命絕形枯魂被惡業所牽宅舍因而無主

故知心靜即神悅神悅即福生福生即道增圓明益智
明妙即通心有照用即能用而無用故聖人知外用而
無益所以返本還源令握胎息之機即長生不死其理
昭然故論云形中之子母云何長守智者能守壽命得
長即知神為氣子氣為神母神行神住即氣行氣住心
能主氣識憑氣住若要長生神氣相人心不動念無來
無去無出無入湛然常住但於此修行合真道路勤勤
行之莫極言數玄牝之門長生之戶若一雙行慈悲甘

露外施救物入天福祚不思外物不視外色不聽外聲
不耽外欲不嗜外味常令心神魂魄意識長生神氣相
合循環臟腑之內御呼吸應上下久久修習即神氣自
明神氣既明即可照徹五臟五臟氣和即可使神氣通
於四肢故聖人三日內視專注於一心神充化之綿綿
存之久而不斷可通流五臟四肢斯言可推而得理也
但凡俗之人神與氣各別不知子母相守氣雖呼吸于
內神一勞役於外遂使神常穢濁而不清神既不清即

元和之氣漸散而不能相守也道人常用之而不知根本以形神為主不守於內而守於外自然令宅舍虛危漸見衰壞矣況非道之人勞神役思無一息神氣注於氣海之中而欲望其長生豈不遠乎若知神氣之所生即心之主即修於一了然可見矣若不知氣之所生任運呼吸役役尋文惟得通調於氣理於五臟六腑及能消化飲食五穀而已焉能返魂還魄填血益腦者哉凡人呼吸與聖人殊凡人息氣出入於嚙喉聖人息神氣

常在氣海即元氣之根本所居之處也蓋臍下合太倉亦為子宮為氣海即子母相合道人能守之綿綿不絕此是返本還源歸本生之處而堅住凝結不化不散即其義也不敗神識多靜即自然長生留形住世要妙之真訣也師曰若住自然之息神御氣即鼻無出息為真胎息也凡俗之人二境相覩即情慾動情慾動即精氣悉下降於莖端而下洩之皆為情慾所引制御不得遂有猷澮之憂衰喪其本也

項子食氣法

項子曰人能清淨安和自然者十月通矣或一年二年通或三年乃通其不能通者不能得道適可長生壽老延年也又曰人之才能靜於三軍之中虎狼之間有千人之才能靜於室家之中有百人之才能靜於市道旁有十人之才能靜於山澤之中有倍人之才此凡器之人終不可知也凡此多者則能清淨清淨者則能斷情慾斷情慾則能絕房室絕房室則能休糧休糧則能保

愛氣能保愛氣則德應自然德應自然則十月通者謂上士也中士或三年而通下士才薄九年乃成其才倍人皆不能通聞之不信語之無益此則土人行尸矣所謂下士聞道大笑之者也常以清旦鼻內氣嚙之經行勿休口口吐之所謂食生吐死可以長生從夜半至日中為生氣日中後至子時前為死氣常以生氣正生時仰眠瞑目閉口屈十指置握固不絕息於心中數至二百乃以口吐氣出之增息如此則身神具生五臟安矣

申天師服氣要訣

取半夜之後五更已來睡覺後以水漱口仰卧伸手足徐徐吐氣一二十度候穀氣消盡心靜定即閉氣忘情將心在臍下丹田氣海之中寂然不動嚙氣三兩度便閉氣使心送向丹田中漸覺氣作聲下入氣海中幽幽然便是氣行之候也良久待氣行訖人開口吐氣徐徐又閉口而嚙之如是三二十度皆依前法覺氣飽即冥心忘情清息萬慮久久習之覺口中津液甘香食即有

味是其候也凡欲行此道先須忘身忘本守元抱一元
然久之澄定而入玄妙之要在於此也

王真人氣訣

每四更後五更初當處靜室居一牀疊雙足面東端坐
先作導引以左手握固右手虎口擡首並仰盡力後却
以右手握固左手虎口復如之訖即交手掌向外三引
訖又左右手揜頤三交手搭頭左轉三右轉三左展拓
空三右展拓空三當面虛拓地三背手虛拓空三此為

導引法導引竟然後自思神

先叩齒自呼已名後陰念五臟三焦及三魂七魄頭

面手足一身諸神令輔形體也

又前思太陽

日也

後思太陰

月也

左存青龍

右存白虎思頭戴朱雀足履玄武

此存想四神也

又存想七政

配合五臟所謂肺魁肝彪心臚脾魁膽魁左腎魁右腎

魁當想真君降其本臟仍須密念七過次想二十八宿

周遍行體以輔七政依此法數之先從左手腕起角左

肘亢左肩氏房右膀心右膝尾右足踝箕却從右手腕

起斗右肘牛右肩女虛自心至左膀危左膝室左足踝

壁又却從右足以踝起奎右膝婁右膀胃至心昂自心
至左肩畢左肘臂左手腕參又却從左足踝起井左膝
鬼左膀柳至心星自心至右肩張右肘翼右手腕軫又
自左手腕起角宿至右手腕匝軫宿凡一十三處存想
象一年之有閏計兩度交互數之一十二處皆存兩宿
心一處獨存四宿都計二十八宿凡存想五臟六腑三
魂七魄四神七政二十八宿訖即吐出衆穢死濁之氣
然後閉口從鼻左孔納其生清之氣內想瞑目想此氣

綿綿下至丹田方周流通傳汨汨作聲氣滿即再吐出
切不得令自己耳聞如此十過止此即王真人法也

大威儀先生玄素真人要用氣訣

凡用氣法先須左右導引令骨節開通筋柔體弱然後
正身端坐吐納三過使無結滯靜慮忘形令氣平息良
久徐徐先以口吐濁氣鼻引清氣凡此六七過此名調
氣調氣畢即口鼻俱閉虛含令氣滿口即鼓口十五過
已上更佳如嚥一大口水入腹中直以心存至氣海中

良久更依前法嚥之但以腹飽為度亦不限過數然後
虛心實腹閉口以手左右摩腹上令氣流行即鼻中細
細放通息勿令喘麤恐失中和然後正身仰卧四平著
牀枕枕高低與身平兩手握固展手離身四五寸兩脚
亦相去四五寸然後鼻中息收即口鼻俱心存氣行遍
身此名運氣如有病即心存氣偏注病處如氣急即鼻
中細細放通息口不開候氣息平還依前法閉之搖動
兩足指及手指并骨節以汗出為度此名氣通即徐徐

收身側卧拳兩脚先左邊著地經十息即轉右邊著地
亦十息此名補損依此法服經一月後行立坐卧時但
腹空即鼓嚥之不限時節如喫飯了即喫空飯一兩口
和水嚥下此名洗五臟即以清水熱漱口虛心實腹令
臟腑葉舒展嚥之令五臟不停五味氣訖即以口先吐
濁氣鼻引清氣不限多少盡須放之如下泄一濁氣出
還鍊一口和氣補之若尋常喫飯飲茶此皆外氣入當
須入口便合口口既合所入外氣即於鼻中出也鼻中

入氣即是清氣也常須合口喫飯不令口中有氣入入
即是死氣凡人言語口中氣出必須却於鼻中入此常
行吐納也行住坐卧常須搖動脚指此名常令氣得下
流如節候不精忽有外氣入腹覺微痛可以摩腹一百
下氣即下泄也氣或上不得出抑之使下此名理順忌
破氣物及生冷黏膩等物不宜喫動氣冷物如依此法
不關常行九年功成履空如履實履水如履地

王說山人服氣新訣

子夏曰食氣者神明而壽黃庭經云玉池清水灌靈根
審能修之可長存釋氏止觀有用氣療疾法是知氣之
與液遞相通潤也古經法皆有時節行之今議食氣不
復以時節也液則時時助氣使調滑也所論食氣皆內
氣也嚥之代食耳液者嚥之代漿耳上食新氣下泄舊
氣使推陳而納新也嚥氣不必飽滿下泄不必常出但
得無晁即自平定嚥氣不必常嚥但氣清則腹內自平
不須嚥矣初學之時覺饑即食食時不覺饑即由氣矣

若食常以一嚥兩嚥壓之則食易消食漸消如嚥數至
食消氣自調若覺腹中氣小妨即或行或卧東轉西側
以意想驅逐之使下若未下不得急性忙迫但以意從
容之不久自泄也食氣時若欲上噫但任意出不得抑
之桑榆子曰夫功淺多噫蓋由乍服所得真氣尚少疝
氣必多不正而多命官不受則宜常有出者又初服
之時所嚥者往往不到氣海則無所歸投返上為噫也
若得內氣雖不入到氣海自然無如著功多時忽復噫
者不是傷多即欲下出任下出不得祕之在細意自審
是外氣誤入也也消息盈虛久自得其妙矣行步宜兼小導引引亦不

得頻為之世間諸事皆自細意斟酌之有諸疾則絕粒
三數日輕則一日兩日更輕即絕一頓亦得若疾在上
驅之在下以意想下驅之若在下肢及左右側並以想
驅逐之則愈矣大都不得閉氣若閉氣即疾生所食物
宜潤暢寒暑皆適宜也瘴瘧時但絕粒數日靜居則差
矣

嵩山李奉時服氣法

每欲服氣如嬰兒吮乳氣息似悶即嚥之依前吮嚥大

悶即放令口出甚須微細每嚙使心送之至臍下有病亦使心送至病處當服之時第一須閉目專意握固新欲服之安神氣然後為之尤須導引令四體舒緩然為之卧服勿枕枕舒手足安定如病重氣甚悶頻蹙上至極仍便握固一氣氣行聲從耳中出即得矣秘之秘之此為內氣無問早晚晴明陰晦須服即服大都得晴明時大精若服外氣即有生氣知之十年服之五日不服即無益矣每日五更午時服第一服子須攝鍊兼以手

按之勿令心腹下硬

雲笈七籤卷五十九

欽定四庫全書

雲笈七籤卷六十

宋 張君房 撰

中山玉櫃服氣經

碧巖元君撰
黃元君注

錄神誠戒序第一

昔黃帝會羣仙於崆峒山問道于廣成子曰夫人養生
全真遊觀於天庭間止息於洞房中得與衆聖齊羣駐
童顏而不敗者則何法最寶廣成子曰夫人以元氣為
本本化為精精變為形形雖好生欲能竭之故欲不可

縱縱之則生虧制之則生盈盈者精滿氣盛百神備足
夫人體內有百關九節合為形質洞房玉戶紫宮泥丸

丹田以處泊

百關者號百祿之神為九節之用九節者一掌二腕三臂四膊五項六腰脊七腿

八脛踝九腦是謂九節也洞房等皆天庭三田神止泊處也

百神守衛六靈潛護

百神

者百節之神守固榮衛保護五藏藏亦有神五神清則百節靈五神傷則百節厄清則少傷則老經云貪慾嗜味傷神促壽金玉滿堂莫之能守六靈者眼耳鼻舌身意亦謂之六識常隨心動念則識闇但閉之則寧用之則成察之則悟任之則真又有三魂伏於身七魄藏於腑故云肝藏魂肺藏魄脾藏志心藏神腎藏精此皆百神六靈之主也宜防濁亂躁動作違之不守自致敗傷而已

保其玄關守其要路

以道

真一為玄關以專精為要路

既食百穀則邪魔生三蟲聚

蟲有三名
伐人三命

亦號三尸一名青姑號上尸伐人眼空人泥丸眼暗面
皺口鼻齒落鼻塞耳聾髮禿眉薄皆青姑之作也一本
作青石二名白姑號中尸伐人腹空人藏府心旒意亂
肺脹胃弱然共傷胃失饑過度皮癬肉焦皆白姑之作
也一本作白石三名血尸號下尸伐人腎空人精髓腰
痛脊急腿痺醫頑脫疼頸瘦陰痿精竭血乾骨枯皆血
尸之作也一本作血姑此三尸毒流噬嗑胎魂欲人之
心務其速死是謂邪魔生也尸化為鬼遊觀幽冥非樂
天庭之樂也常於人心識之間使人常行惡事好色慾
增喜怒重腥穢輕良善或亂意識令陷昏危其於一日
之中念念之間不可絕想恒以甲子庚申日上白天曹
下訟地府告人罪狀述人過惡十方刺史受其詞九泉
主者容其對於是上帝或聽人則被罰輕者人世延遭
求為不遂重者奄歸大夜分改身屍殃異百出今俗傳

死次直符雄雌殃注破在煞星此之是也都由人不能
絕百穀五味誠嗜欲禁貪妄而自致其殞歿內景玉書
云百穀之實土地精五味外美邪魔腥臭亂神明胎炁
零三魂恍惚魄糜傾要知成彼之三蟲由斯五穀也

貫穿五藏環鑒六府使丹田不華實津液不流注血脈

不通行精髓不凝住胎魂不守宮陰魄不閉戶令人耽

五味長貪欲衰形神老皮髮若不却粒絕味禁嗜誠色

則尸蟲全而生身神必死滅若三蟲弭尸鬼失魂魄養

精髓固形神保天地者非氣術而不可倚矣

擒制情欲
弭滅蟲尸

使形神不枯朽須服神氣還元返本過此皆不可倚也

且我大仙以氣術為先元

然。是本道以太和為宗。沖元是本。及吾歸之於妙寂之於玄化之於無用之於自然。自然輕舉昇於玄玄出入。

無間其道。恬焉與道通靈。當有何患。

內景云。勿令七祖受冥患。不許以道。

傳非人。即七祖受冥殃也。今言當有何患。是亦依道奉行。保無殃咎也。

夫上清所崇中仙。

以丹術為本。下仙以藥術為首。量此二者。夫何以久。皆

以勤勞勞神。餌金服石。動費貨泉。失於歸寂。蓋不得自

然之理。垂於真道矣。昔大隗翁曰。生吾有身。憂吾勤勞。

念吾飢渴。觸情縱欲。過患斯起。遂虧於玄化之道也。於

是大黃帝君謹心神觀想元氣

用啟玄理先靜丹元觀想自然融於歸寂也

乃感太一真君持玄元內景氣訣妙經一篇授之帝君
邇後降中嶽復會羣仙宣是妙經因名中山玉櫃服神
炁經夫太一真君是北極太和元炁之神神通變化自
北極紫微宮經過於天地間滋育萬物在天則五象明
焉在地則草木生焉居人則神識靈焉在鑒則五行察
在化則四運變聽之不聞視之不見搏之不得無狀而
與萬物作狀故謂之玄謂之象所患無不應所真無不

證所專無不用所精無不動是知道以真正為玄關專
精為要路倚於此者則無所不通也經曰夫欲服氣以
服元氣為本以歸寂為玄妙若不得此門及不知玄關
要路則終不能成就功德也夫求仙之道絕粒為宗絕
粒之門服氣為本服氣之理齋戒為先當持齋戒須揀
好日晏靜一室安置牀席其齋以心清意靜無
諸躁動正可二七日若不先
齋則不得神炁內助若不存想則神氣不內補故欲修
行要當別置一室好土香泥泥飾明密高敞牀褥厚暖

衾枕新潔不得使穢人穢污輒到其中其中地須鋤深
二尺節去滓礫除諸穢物更添好土築擣平實更羅細
土拍踏令緊既得穩便勤須灑掃務其清淨室中惟安
書几經櫃每一度焚香念玄元无上天尊又念太一真
君

又可存乎三一三元五藏六靈一
身之神冥心叩齒靜默思之也

太一真君有五誠

誠心依之克獲神應一者不得與女人語笑同處致尸
鬼惑亂精神二者勿食一切穢薰膩五辛留滯冷滑之
物若食之令三尸濁觸五神三者勿入一切穢惡處所

夫弔死問病至人不為殺戮決罰驚魂大怒大怖精神
飛散就中死屍道家大忌或誤衝見當以桃皮竹葉湯
浴訖入室平卧存想心家火遍身焚燒身都烱然使之
如晝然後閉氣咽新氣驅逐腹內穢氣攻下泄務令出
盡當自如故四者勿與一切衆人爭論是非忿諍鬪競
及抱小兒減人算壽損志傷神五者勿得為欺罔一切
事陰神不助常慎言語節度行止勿對北旋溺犯太一
紫微殃罰非細若有違此五戒於二七日間眠夢之內

自有驚覺覺悟於人務令修善其事秘密無事勿泄於

人夫內景是內秘之事惟自己心
內知之固不合漏泄他人也

服氣絕粒第二

要當用雙日

雙日則奇
雙日則偶

及本命日預前沐浴於室內焚

香几上上安淨水一碗設衾枕其訣例日卧至夜半起
坐鳴天鼓三十六過靜心神為元氣和此炁子時生發
於心臟間上貫泥丸丹田眉間却行三寸是上丹田宮
周轉於身如紫雲氣又想太一真君如嬰兒左手持玉

訣右手執靈符遊於紫雲氣間然後平枕正卧絕一切
浮想浮想若不除則心神炁當閉不行絕想止念既定
且待出息盡便閉玄牝氣鼓滿牙齒勿得相近欲嚥之
時齒牙微相近仍須收息縮氣音攝腹嚥下以嚥得為
度嚥得飽以為期亦無時限此法與諸家嚥氣不同若
不收息縮氣取彈嚥下則不入大腹中又不入食脈中
夫喉嚥中嚥入之氣自有三道一入腸胃中脈二入五
藏中脈三入食脈若不依前法縮氣彈腹但空嚥得其

然只得獨入腸中不入食脈即無所成益也若直下入腹中入腹胃緣腹中多阻隔致令上衝下泄食退其腸四肢漸似無力體內不免虛羸縱喫湯飲餌服諸藥並亦不免口乾舌澀若但依此法候氣滿口食久畜取彈腹嚥下自當分入食脈及五藏內息以此為都契假令元氣未達腸中其食脈已先強滿與食無異輒無虛羸神妙無比若不依此一日縱三五十度嚥氣其腹內未免欠乏常思於食即不可見其效矣要坐服亦得須依

前法以炁息畜嚥入嚥入之時仍須低頭取勢嚥下嚥下即當時分入臟腸及食脈中但解用氣食脈當時強滿滿即自然飽足如未曾學者亦不過三數日便見次第若嚥物不得縱嚥不入於食脈及心意妄思即是夙生無分矣諸門嚥氣皆先入腸中衝排滓穢經三五七日後方達食脈縱達食脈且神勞力倦思食之意未能全絕假令堅守數日之間尚多腹中欠乏若過此法但持四十九日自然絕思飲食縱有百味佳餚都不採覽

神功若此無以加焉切在藏祕勿示見人凡春夏秋冬並不假暖氣日久自悟諸理了然若要湯藥杏仁薑蜜及好蜀茶無妨力未圓可以調助惟薑不得多著性能壞物善奪人志曾有通服豉湯此則未達深理豉本性太冷久淹塵穢只辟麪毒及解傷寒大約傷壞藏府又傾元氣特宜忌之前云收息者當低頭納氣炁入都亦無聲攻排滓穢務令速退腸中滯食納得元炁自然常飽氣與神合行之至也三日後亦不擇行住坐卧為之

總得亦不假致氣但嚙強自下人亦不知自覺體理疏通四肢常健如此七日神炁自足不假久鍊功夫亦不要每日存想自此一百日三尸自除忽爾一日神自內現但食氣五十日穀氣方盡便可絕諸湯藥其食出時當有五色物出如膿血此物既盡諸府通達內視藏胃如晝所見若得至此切不可慢泄於人一旦神功通悟亦不得輒懷怪異尤須秘之勿申於外自然之功外姦亦所不入在陽不焦託陰不腐一切質礙無不穿貫不

危不殆若穀氣未盡即不到通地如曾經受法之後得
遇此術神氣內輔靈響外應自然自在無所拘束要食
亦得不食亦得食亦無損絕亦無傷再食再服不揀月
日不論行住坐卧處處總得若不食多時要得食者可
依前受法訖即食若食多時要得絕者亦可受法訖更
依術為之取以大成諸絕為定夫至道無二守之必成
但不錯功自然玄秘世間吉凶善惡無不曉達上至天
府下至陰司一切神靈皆得使役所有疾病見無不理

所有異物見無不識顏如童女光彩射人行速如風所
去無滯一年之外自入玄門玄門者謂入胎息

道言玄
牝門天

地根綿綿若存用之不勤
又玄之又玄衆妙之門也

胎息羽化功第三

夫修胎息於密室中厚設牀枕焚上好名香兼請一至
友為伴緣初學人乍通玄路見種種事善惡境界鬼神
形容自涉怪疑心生妄亂必然閉息不固須要假相伴
以安其意切在清淨心神使寂然不動

自淨具心無想
他事善惡俱捨

出入兩忘有若處胎了乃正施手足平枕仰卧待出息
然絕息即寂然不動也

盡欬然閉之更勿令出當得攻面流下四肢渾身稍熱

處處自得絕喘絕息乃遣至下籌記泄息數

凡一出入口鼻之

氣名一息以傍人出入數其息也

不過五百息內景自現若却還口鼻

中當微放出功至千息其效的然當易換骨肉鍊髓如

霜即合於大元通於天府上清事固不可裁其功元力

固不可明其德神仙之法固不可宣其言修道之術固

不可示其要所以雖言胎息不說羽化者良由此也若

依此術修鍊胎息得成而羽化亦成就自有五神相伴
不假至友此則不言之功功已成矣此中山玉櫃服神
氣經非至人至行不可妄傳豈惟罪業一身抑亦殃累
七祖切宜誠慎勿示非人

聖正規法第四

論曰夫達士悟道常畏於身故吾有大患為吾有身故
有其患患在毀傷形體莫若寄寓神精譬於器中安物
物假器而居之畏器之破壞物乃不得安居形體若也

消亡精神於何處安泊神畏身死物忌器破若乃小心
護惜專意保持身器兩存神物何慮但以羸心大膽棄
擲墜撲色欲勞形縱性費力烝因茲而破壞身自此而
毀傷有如焦穀枯木不可復生其茅葉縱遇陽和中春
長為陰冥下鬼畢於朽腐可為慙嗟雖位極人臣皆行
尸走骨矣

言雖位極人臣若不知
道皆是行尸走骨也

夫玄元得之於自然

廣成受之於上仙黃帝修之於內景余今遇之於中天

中天即中山謂嵩嶽也
碧巖於此遇斯經焉

此經微妙不可思議述服氣之

神功漸通達於胎息之道若成羽化之期自至便能昇
於天府名紀玉書位為大仙階躋聖列將來學人見此
中山玉櫃服神炁經安心修行請勿有疑必然之理通
於神明幸宜保敬勿負余言

幼真先生服內元氣訣法

進取訣

凡欲服氣先須高燥淨空之處室不在寬務在絕風隙
常令左右燒香不用穢污牀須厚軟脚稍令高

真誥曰
牀高鬼

吹不及言鬼神善因地炁以
吹人為崇牀高三尺可也

衾被適寒溫令冬稍暖尤

佳枕高二寸餘令與背平每至半夜後生氣時或五更
睡初覺先吹出腹中濁惡之氣一九下止若要細而言
之則亦不在五更但天炁調和腹中空則為之先閉目
叩齒三十六通以警身神畢以手指捻目大小背兼按
鼻左右旋耳及摩面目為真人起居之法更隨時少為
導引以宣暢關節乃以舌柱上腭料口中外津液候滿
口則嚥之令下入胃存胃神承之如此三止是謂漱嚥

靈液灌溉五藏面乃生光此之去就大體略同便兀然
放神使心如枯木身若委衣內視返聽萬累都遣然後
洵之每事皆閉目握固惟臨散氣之時則展指也夫握
固所以閉關防而却精邪初服氣之人氣道未通則不
得握固待至百日或半年覺氣通暢掌中汗出則可握
固黃庭經云閉塞三關握固傳漱嚥金醴吞玉英遂至
不食三蟲亡久服自然得興昌

洵氣訣

訣曰凡人五藏各有正氣夜卧閉息覺後欲服氣先須轉令宿食得消故氣得出然後始得調服其法閉目握固仰卧倚兩拳於乳間豎兩膝舉背及尻間閉氣乃鼓氣海中氣使自內向外輪而轉之呵而出之一九或二九止是曰淘氣畢則調之

調氣法

訣曰鼻為天門口為地戶鼻納之口宜吐之不得有誤則氣逆氣逆則生疾吐納之際尤宜慎之亦不使自

耳聞調之或五或七至九令平和也是曰調氣畢則嚥之夜睡則閉之不可口吐之也

嚥氣訣

訣曰服內氣之妙在乎嚥氣世人嚥外氣以為內然不能分別納吐之士宜審而為之無或錯誤夫人稟天地之元氣而生身身中自分元氣而理每嚥及吐納則內氣與外氣相應自然氣海中氣隨吐而上直至喉中但喉吐極之際輒閉口連鼓而嚥之令郁郁然有聲汨汨

然從男左女右而下納二十四節如水瀝瀝分明聞之
如此則內氣與外氣之別皎然可知矣以意送之以手
摩之令速入氣海氣海臍下三寸是也亦謂之下丹田
初服氣人上焦未通以手摩之令速下若流通不摩亦
得一閉口三連嚙止乾嚙號曰雲行一濕口嚙取口中
津嚙謂之雨施初服氣之人炁未流行每一嚙則旋行
之不可遽至三連嚙也候氣通暢然後漸漸加之直至
於小成也一年後始可流通三年功成乃可恣服新服

氣之人炁既未通嚙或未下須一嚙以為候但自郁然有聲汨汨而下直入氣海

行氣訣

法曰下丹田近後二穴通脊脈上達泥丸泥丸腦宮津名也每三連嚙則速存下丹田所得內元氣以意送之令入二穴因想見兩條白炁夾脊雙引直入泥丸薰蒸諸宮森然遍下毛髮面部頭項兩臂及巨手指一時而下入胃至中丹田丹田心宮神也灌五藏却歷入下丹

田至三星遍經胫膝脛踝下達湧泉湧泉足心是也
所謂分一氣而理鼓之以雷霆潤之以風雨之狀也只
如天有泉源非雷霆騰鼓無以潤萬物若不迴蕩濁惡
之氣則令人有不安既有津液非漱嚥之不堪溉灌五
藏發其光彩終不能還精補腦非交合則不能汭而上
之嚥服內氣非吐納則不能引而用之是知迴蕩之道
運用之理所以法天則地想身中濁惡結滯邪氣瘀血
被正榮氣蕩滌皆從手足指端出去謂之散氣氣散則

展手指不須握固如此一度是一通通則無疾則復調之以如使手使手復難鼓咽如前閉然鼓咽至三十六息謂之小成若未絕粒但至此常須少食務令腹中曠然虛淨無間坐卧但腹空則嚥之一日通夕至十度自然三百六十嚥矣若久服氣息頓三百六十嚥亦謂之小成一千二百嚥謂之大成謂之大胎息但閉然數至一千二百息亦是大成然後胎不結不能鍊形易質縱得長生同枯木無精光又有鍊氣閉氣委氣布氣諸訣

法具列於文同志詳焉

鍊氣法

訣曰服氣鍊形稍暇入室脫衣散髮仰卧展手勿握固
梳頭令通垂手足於席上調氣嚥之嚥訖便閉氣候極
乃冥心絕想任氣所之以通理悶即吐之喘息即調之
候氣平又鍊之如此十遍即止新服氣之人未通有暇
漸加一至十候通漸加至二十至五十即令遍身汗出
如此狀是其效也安心和氣且卧勿起衝風此乃却老

延年之良術但津液清爽時為之爾氣昏亂欲睡慎勿
為也常勤行之四肢煩悶不暢亦為之不必每平旦
要在清爽時黃
庭經云千災已消百病痊不憚虎狼之克殘亦以却老
年永延

委氣訣

訣曰夫委氣之法體氣和平也身神調暢無問行住坐
卧皆可為之但依門戶調氣或伸於牀或兀然而坐無
神無識寂寂沈沈使心同太空因而調閉或十氣二十

氣皆通須任氣不得與意相爭良久氣當從百毛孔中
出不復口吐也縱有十分無二也復調能數至千二百
息已上彌佳行住坐卧亦可為之如此勤行百關開通
顏色光澤氣清長如新沐浴之人但有不和則為之亦
當清泰也黃庭經云高拱無為魂魄安清淨神見與我
言

閉氣訣

訣曰忽有修養乖宜偶生疾患宜速於密室依服氣法

布手足訖則調氣嚙之念所苦之處閉氣以意想注以
意攻之氣極則吐之訖復嚙氣相繼依前攻之氣急則
止氣調復攻或二十或五十攻覺所苦處汗出通潤即
止如未痊即每日夜半或五更晝日頻作以意攻之不
拘病在頭面手足但有疾之處則攻之無不愈者是知
心之所使氣甚於使手有如神助功力難比也

布氣訣

訣曰凡欲布氣與人療病先須依其人五藏所患之處

取方面之炁布入其人身中令病者面其方息心靜慮此與炁布炁訖便令嚙氣鬼賊自逃邪氣自絕

六炁訣

訣曰六炁者噓呵呬吹呼嘻是也氣各屬一藏餘一氣屬三焦呬屬肺肺主鼻有寒熱不和及勞極依呬吐納兼理皮膚瘡疥有此疾則依狀理之立愈也

呵屬心心主舌口乾舌澁氣不通及語邪氣呵以去之大熱大開口小熱小開口呵若須作意是宜理之

呼屬脾脾主中宮如微熱不和腹胃脹滿氣悶不洩以呼字炁理之

吹屬腎腎主耳腰肚冷陽道衰以吹字炁理之

嘻屬三焦三焦不和嘻以治之氣雖各有所治但五臟三焦冷熱勞極風邪不調都屬於心心主呵呵所治諸疾皆愈不必六氣也

噓屬肝肝主目赤腫昏眩等皆以噓治之

調氣液訣

訣曰人食五味五味各歸一藏每藏各有濁氣同出於口又六氣三焦之氣皆湊此門衆穢併投合成濁氣每睡覺薰薰氣從口而出自不堪聞審而察之以知其候凡口中焦乾口苦舌澀乳頰無津或嚥唾喉中痛不能食是熱極狀也即須大張口呵之每呵必須依門戶出之十呵二十呵即鳴天鼓或七或九以舌下擦華池而嚥津復嚥令熱氣退止但候口中清水甘泉生即是熱退五藏涼也若口中津液冷淡無味或呵過多心頭汪

汪然食飲無味不受水則是冷狀也即當吹以溫之如溫熱法伺候口美心調溫即止黃庭經云玉池清水灌靈根甯能修之可長存又云漱嚥靈液災不干

飲食調護訣

訣曰服氣之後所食須有次第可食之物必有益不可食之物必有損損宜永斷益乃恒服每日平旦食少許淡水粥或胡麻粥甚益人治脾氣令人足津液日中淡麵餽飫及餅並佳祇不得承熟食之勃亂正氣也煮葱

薤羹可佳飯必粳米大麥麵益人服氣之人經四時甚
宜服食之此等物不必日日食之任隨臨時之意欲食
之鹿肉作白脯食之佳如是齋戒即不得食也三十六
禽神直日其象鳥並不可食棗栗之類兼餠餅亦得食
也作可饑慎勿飽飽則傷心氣尤難行凡熱麵蘿蔔羹
切忌切忌鹹酸辛物宜漸漸節之每食畢即須呵出口
中食毒濁氣永無患矣服氣之人腸胃虛淨生冷酸滑
黏膩陳硬腐敗難消之物不用食若偶然食此等之物

一口所在處必當微痛慎之但食軟物乃合宜也每食先三五嚥氣而喫食令作主兼吞三五粒生椒佳也食畢更吞三粒下走引氣此物能消食引氣向下通三焦利五藏趨濁穢消宿食助正氣也宜長久服之能辟寒洩暑濕明目生髮治氣功力不可具述備在太清經中服椒別有方服後有氣下則泄之慎勿留留則恐為疾每空腹隨性飲一兩盃清酒甚佳冬濕夏冷助正氣排遣諸邪其功不細戒在多多則昏醉醉則傷神損壽若

不獲已而飲放即呵三五口飲併即大開口十數下以
遣出麴蘖之毒調治之常時飲一二升徐徐飲之亦不
中酒兼不失食味生產死并六畜一切穢惡不潔之
氣並不宜近之甚不宜正氣如不意卒逢速閉氣上風
閉目而過便求一兩盃酒以蕩滌之覺氣入腹不安須
調氣過出濁氣即却嚥下更納新氣以意送之以手摩
之便含椒及飲一兩盃酒令散矣如不肯散亦不須過
理逼任出無苦此則上焦擁故終須調氣理之使和平

也食油膩辛味甚犯正氣切意省之亦有服氣一年通
氣二年通氣實三年功成元氣凝實縱有觸犯無能為
患日服千嚥不足為多返老還童漸從此矣氣化為津
津化為血血化為精精化為髓髓化為筋一年易氣二
年易血三年易脉四年易肉五年易髓六年易筋七年
易骨八年易髮九年易形即三萬六千真神皆在身中
化為仙童號曰真人矣勤修不怠則關節相連五藏牢
固黃庭經云千千百百自相連一一十十似重山是內

氣不出外氣不入寒暑不侵刀兵不害昇騰變化素同
三光也

休糧訣

訣曰凡欲休糧但依前勤修三年之後正氣流通髓實
骨滿百神守位三尸遁逃如此漸不欲聞五味之氣常
思不食欲絕則絕不為難也但覺腹空即須嚙氣無問
早晚何論限約久久自知節候無煩其言何用藥物大
抵服藥之人多不能服氣終日區區但以藥物為務身

形不得精實固非上士用心也黃庭經云百穀之實土地精五味外美邪魔腥臭亂神明胎氣零那從返老却還嬰何不食氣太和精故能不死入黃寧此之謂也

慎守訣

訣曰世上之人多嗜慾傷生伐命今古共焉不早自防追悔何及夫人臨終而始惜身罪定而後思善病成而方求藥天網已發何可救之故賢哲上士惜未絕之命防未禍之禍理未病之病遂拂衣入寰攝心歸道道者

氣也。氣者心之主，精者命之根。愛精重氣，然後身心保之矣。黃庭經云：方寸之中，謹蓋藏精神，還老復丁壯。養子玉樹，令如杖。急固子精，以自償。又曰：長生至慎，房中急何謂？死作令神泣。若當決海，百瀆傾葉，去樹枯失青。青夫長生久視，未有不由愛精保氣致之。陰丹內御之道，世莫得知。雖務於氣而不解絕情慾，亦未免殃矣。故曰：人自失道，非道失人。人常去生非生，去人修養君子自保省爾。

服氣胎息訣

訣曰精者氣也氣者道也先叩齒三十六通右轉頭一
匝如龜引頸其胎息上至咽喉即嚥之如此三遍方閉
口以舌內外摩料取津滿口漱流昂頭嚥之上補泥丸
泥丸即昂頭是也下潤五藏老子曰甘雨潤萬物胎津
潤五藏晝夜不寐乃成真人上致神仙下益壽考在身
所有疾苦想氣送至所苦處即愈真氣逐濁氣上衝下
泄覺神清爽則氣自冲和故聖人有言夫人在氣中氣

在人中人不離氣氣不離人人得氣而生因失氣而死
死生之理盡在氣也但調得其氣求死不得則每夜半
及五更展兩腳握固展手去身五寸其枕不得過二寸
閉目依前法嚥之梳洗訖以暖一盃酒飲之益胎息潤
六府引氣開百關昔峨眉山仙人幽秘法此不可言也
老君曰靈芝玉英並在其腹名山大澤取藥服之與道
甚垂吾道甚易但能行之早起展兩腳喘息勻以兩手
叉腦後手前拽頭向後拽頓如此三畢兩手相入向前

拽前拽三兩遍左右掣三二十遍畢嚙津二十遍如覺
四體不和即乃舌漱液三二十嚙却疾去萬金不傳
非其人造次傳者殃及三代也

胎息經

胎從伏氣中結

臍下三寸為氣海亦為下丹田亦為玄
牝世人多以口鼻為玄牝非也口鼻即

玄牝出入之門蓋玄者水也牝土母也世人以陰陽氣
相感結於水母三月胎結十月形體具而生人修道者
常伏其氣於臍下守其神於身內神氣相合而生
玄胎玄胎既結乃自生身即為內丹不死之道也
有胎中息神為氣子氣為神母神氣相逐如形與
影胎母既結神子自息即元氣不散氣入

身來為之生神去離形為之死

西昇經云身者神之舍神之至也主人安靜神

即居之主人躁動神即去之神去氣散其可得生是以人耳目手足皆不能自主必假神以御之學道養生之人常拘墟神以為身主知神氣可以長生固守虛無以主既不去宅豈崩壞也

養神氣

道經云我命在我不在天也所患人不能知其道復知而不行知者但能虛心絕慮保氣養精

不為外境愛欲所牽恬淡以養神氣即長生之道畢矣

神行即氣行神住即氣住

所謂意是氣馬行止相隨欲使元氣不離玄牝即先拘守其神神不離身氣亦不散自然內實不饑不渴也

若欲長生神氣相注

相注者即是神氣不相離玄牝云纖毫陽氣不盡不為鬼纖毫陰氣


不盡不為仙元陽即陽氣也食氣即陰氣也常減食節欲使元氣內運元氣既壯即陰氣自消陽壯陰衰則百

病不作神安體
悅可觀長生

心不動念無來無去不出不入自然常

住神之與氣在母腹中本是一體之物及生下為外境
愛慾所牽未嘗一息暫歸於本人知此道常泯絕情

念



雲笈七籤卷六十